

12 MAY 2000

DR MAHATHIR RAI PERWAKILAN KEDAH

KUALA LUMPUR, 12 Mei (Bernama) -- Presiden Umno Datuk Seri Dr Mahathir Mohamad meraikan para perwakilan dan pemerhati dari Kedah yang menghadiri Perhimpunan Agung UMNO ke-54 pada satu jamuan makan tengah hari.

Kira-kira 500 perwakilan dan pemerhati menghadiri majlis itu yang diadakan di Dewan Tun Hussein Onn, Pusat Dagangan Dunia Putra (PWTC) di sini hari ini.

Yang turut hadir ialah isteri Dr Mahathir, Datin Seri Dr Siti Hasmah Mohd Ali, Menteri Kewangan Tun Daim Zainuddin, Menteri Besar Kedah Datuk Syed Razak Syed Zain, Menteri di Jabatan Perdana Menteri Datuk Abdul Hamid Othman dan Menteri Kebudayaan, Keseniaan dan Pelancongan Datuk Abdul Kadir Sheikh Fadzir.

Dr Mahathir kemudiannya meluangkan masa melawat bilik operasi Utusan Malaysia di Aras Dua, PWTC dan mendengar taklimat yang disampaikan oleh Ketua Pengarang Utusan, Khalid Mohd mengenai operasi akhbar dalam talian yang menggunakan Konsep Editorial Maya (KEM) itu.

Dr Mahathir yang juga Perdana Menteri turut menyumbang kepada Tabung Kemanusiaan Iraq dan Tabung Kebajikan Wartawan anjuran Persatuan Wartawan Melayu Malaysia.

-- BERNAMA

AR LAT